



March 1, 2017
Tapvainak Kaujigatsak

**Lyall tunitjivuk nukKainautiminik kiggatuttiuluni Nainimiunik taimângungituk
atulukasimanimmut Nunatsiavut kavamangata Akilitsasiugutet kârttinganik**

Nunatsiavut AngajukKânga Johannes Lampe uKavuk ullumi imâk Sean Lyall tunitjiKaunninganik nukKainautiminik kiggatuttiuluni Annigususimajunik Nainimiunik tagvainak. Tâtsuma nukKainan-ninga nâmmagijauvuk UKalattinganut Nunatsiavut katimajitsuanginni, Mr. Tyler Edmunds-imut. Taimâk tammautigisimajanginnut, Mr. Lyall pijutsauniagunnaituk tigumiagiamik suliaKapvigilauttaminik Ministariulluni IlikKusiliginimmut, Pinguatuliginimmut Niuggutuliginimmut Nunatsiavut kavamangani.

Ullumigiak suli First Ministar-iujunik Kate Mitchell, KaujititsisiakKâdluni AngajukKâmik, katimaKatiKakKauvuk Mr. Lyall-imik Kaujitiniadlugu pejaulinniminik suliatanginnit Minister-iulluni IlikKusiliginimmut, Pinguatuliginimmut Niuggutuliginimmut akilitsaliusimalinnivininganut angijua-lummik kenaujamik Nunatsiavut kavamangata akilitsatâpvet kârttingagut namminik aliasunguatigumatuinnaluni. Tânnalu First Ministariujunik uKautjimidluni Mr. Lyall-imik Kinugautiliunianniminik KimiggutaukKulugit ilusigisimajangit malillugit Nunatsiavut kavamangata Maligatsangitigut IlusitsiagittogiaKannimut.

“Pimmagittumagiuvuk ilonnatik katimajitsuat Nunatsiavut AngajukKauningita katimattanginnut suliaKaKattajutsauninginnik suliataminik nâlatsialutik, sulitsialutik tammatailitsialutillu, piniannigijatsaminillu sulijutsaniangikutik inigijaminik pitsatunigijaminillu kamagijaugegiaKavut malittaugialet malillugit,” uKavuk AngajukKâk Lampe. “IniKattitaunimminilu inulimânut tunganatsiajutsaulutik, Ministariujuillu nigiugijaunginnaniakKut tigumiatsiajutsauninginnik puttunippâmik maligatsaKallutik ilusitsiagittolulit ilusiKagiaKannimik ammaluttauk sakKititsisiasongujutsaulutillu piniannigisimajaminut pasijatsauligajagutik. Mr. Lyall-ip piniannigisimajangit ilonnâgut nâmmagijaungimagikKut.”

AngajukKâk Lampe Ininganelaullaniattuk Ministariup IlikKusiliginimmut, Pinguatuliginimmut Niuggutuliginimmut mânnautilugu. Ullusanganik annigusujutsaunimmut ininganojutsamik Mr. Lyall-iup suli âkKitaugiaKalâttuk.

Unikkausiligijinut Kaujisapviusok:

Bert Pomeroy
Aulatsijik Kaujimatitsisianitsaunimmut
(709) 896-8582